

## Ha Mikadwa'n Suyat John

<sup>1</sup> Sakon si John un pallakayonyu'n mamati, al-laya suyatku kan sika'n ila un pililiyan Apudyus ya cha aalaklu. Tuttuwan ay-ayatok chikayu, ya chakampun un abusak si mangay-ayat kan chikayu ti ulay bo cha losan un langagammu si katuttuwaan. <sup>2</sup> Ti hachi'n katuttuwaan un awed kan chitaku, ked ichagasla iinggew kan cha chitaku ing-inggala.

<sup>3</sup> Sapay otyan ta kacheguwan, kaasiyan ya palin-awaon chikayu kan Ama taku'n Apudyus ya si Jesu Kristu un Alakla ta ammuwon taku katuttuwaan ya man-asiay-ayat taku.

<sup>4</sup> Amod chi galasku si laammuwak un tilut-tuwan cha uchum un aalaklu katuttuwaan un imbilin Ama taku'n Apudyus kan chitaku. <sup>5</sup> Ked ha chawatok kan sika, potpotgok un ila, mas-apuy'n man-asiayat taku. Ha allaya'n ibyegak, chakampun si baru'n bilin, ngim sigud un bilin Apudyus kan chitaku malipud si chamchamu. <sup>6</sup> Ha ustu-ustu'n man-aayat taku, siya malut-tuwaan taku kan cha bilinla. Ked ha bilinla un chingchingney taku malipud si chamchamu, kalala un masapuy'n man-asiayat taku.

<sup>7</sup> Achu cha tagu'n lummoswa si sala un pin-a man-allilaw kan cha tagu. Cha tagu'n achipun mamigbig un ummali si Jesu Kristu un lambyalin tagu. Cha kamatchi'n tagu, mangallilaw ya kabusuyn Kristu. <sup>8</sup> Ked allechenyu ta achipun

matayak cha kilawachiyu, ngim maayayu cha gunggulayu.

<sup>9</sup> Ulay silu'n tagu, lu achipunla suyuton chi intudtuchun Kristu, ngim chog-ala, achipunla ammu si Apudyus, Ngim ha mangituytuyuy un sumuyut si intudtuchun Kristu, si Apudyus un Ama ya si Jesu Kristu un Alakla iinggaew kan siya.  
<sup>10</sup> Ked lu awed umali kan chikayu un sabyali itudtuchula, achiyu mangiliyon si byeyoyyu kan achiyu pakumustaon. <sup>11</sup> Ti cha mammangili kan cha katchi'n tagu, isun chi makakopyacha kan cha lawwing un koola.

<sup>12</sup> Achu cha piok un ibyega kan chikayu, ngim achipunku pion un igili si allaya'n suyatku ti lamlamaok un geegakayon chikayu ked hachi asik mangug-ugguchen taplu ustu-ustu'n maganggalasan taku.

<sup>13</sup> Pakumustaon chikayu kan cha alla'n aalak cha susulud utla un pililiyan bo Apudyus.

Hachi abus un ibyegak.

**Ha Ugud Apudyus  
Kalinga, Lubuagan: Ha Ugud Apudyus (New  
Testament)**

copyright © 2019 Wycliffe Bible Translators, Inc.

Language: (Kalinga, Lubuagan)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

a19fa55b-374d-526a-9fee-6924d9f6cec8